

খেলা

ইতিহাসে প্রথম, বিশ্বকাপে নতুন রেকর্ড গড়লেন মেসি

প্রতিবেদক: Dhaka Probe

প্রকাশের তারিখ: রোববার, ১২ জুলাই ২০২৬, ০৯:১৩ AM



বিশ্বকাপ ২০২৬-এ যেন একের পর এক রেকর্ড ভেঙে নতুন রেকর্ড গড়ে যাচ্ছেন লিওনেল মেসি। সুইজারল্যান্ডের বিপক্ষে ম্যাচেও গড়লেন আরও এক নতুন রেকর্ড।

আজ সুইজারল্যান্ডের বিপক্ষে কোয়ার্টার ফাইনালে খেলার মাত্র ১০ মিনিটের মাথায় গোলে সহায়তা করেন আর্জেন্টিনার এই অধিনায়ক। তাতেই গড়া হয়ে যায় রেকর্ডটা।

মেসির কর্নার কিক থেকে বল পান মিডফিল্ডার আলেক্সিস ম্যাক অ্যালিস্টার। রক্ষণের ওপরে লাফিয়ে উঠে হেডে সেই বল জালে জড়ান তিনি। এতেই স্কোরশিটে প্রথম গোলটি যোগ হয় আর্জেন্টিনার।

এই অ্যাসিস্ট দিয়ে বিশ্বকাপের ইতিহাসে নিজের ১০ম গোলে সহায়তার রেকর্ড গড়লেন মেসি। বিশ্বকাপের ইতিহাসে এটাই এখন সর্বোচ্চ সংখ্যক অ্যাসিস্টের নতুন রেকর্ড। প্রথম খেলোয়াড় হিসেবে ১০ অ্যাসিস্টের অনন্য কীর্তিটি গড়লেন মেসি।

এছাড়া সুইজারল্যান্ডের বিপক্ষে এই ম্যাচটিতে মাঠে নেমেই একটা রেকর্ড গড়েছেন ৩৯ বছর বয়সী মেন্সি। এটি তার ক্যারিয়ারের চতুর্থ বিশ্বকাপ কোয়ার্টার ফাইনাল। এই অর্জনের মধ্য দিয়ে তিনি এখন জার্মান ফুটবল কিংবদন্তি লোথার ম্যাথিউস, মিরোস্লাভ ক্লোসা এবং উয়ে সিলারের পাশে নিজের নাম বসিয়েছেন।

এ বিভাগের আরও খবর



তৃতীয় দিনের প্রথম সেশন শেষে বাংলাদেশের লিড ২১৯
মেহেদী হাসান মিরাজের ছক্কায় তৃতীয় দিনের প্রথম সেশন শেষ করল বাংলাদেশ। লাক্সের আগে অস্ট্রেলিয়ার বিপক্ষে বাংলাদেশের লিড দাঁড়িয়েছে ২১৯ রানের। ১৩...



মিরাজের ফিফটিতে অস্ট্রেলিয়ার বিপক্ষে ৪০০ পেরোল বাংলাদেশ
ডারউইনের ম্যারা স্টেডিয়ামে অস্ট্রেলিয়ার বিপক্ষে দারুণ নিয়ন্ত্রণে রয়েছে বাংলাদেশ। দলীয় সংগ্রহ ৪০০ রান পেরিয়েছে। একই সঙ্গে লিডও ছাড়িয়েছে ২০০ র...



অস্ট্রেলিয়ার মাটিতে তানজিদের ইতিহাসগড়া সেঞ্চুরি
অবশেষে সঙ্গী পেলেন শাহরিয়ার নাকিস। শেষ হলো তার ২০ বছরের অপেক্ষা। একই সঙ্গে অপেক্ষার অবসান হলো বাংলাদেশেরও অস্ট্রেলিয়ার বিপক্ষে সেঞ্চুরি করা...



সাকিবকে পেছনে ফেলে অনন্য কীর্তি গড়লেন মুশফিক
ভারতবর্ষে বাংলাদেশ-অস্ট্রেলিয়া টেস্ট শুরু হয়েছে বৃহস্পতিবার। এই ম্যাচের মধ্য দিয়ে কমপক্ষে ১০০ টেস্ট খেলা ক্রিকেটারদের মধ্যে প্রথম বাংলাদেশি হি...

Copyright Dhaka Probe

অনলাইন সংস্করণ পড়তে ভিজিট করুন: <https://dhakaprobe.com/sports/itihase-prthm-bishbkape-ntun-rekrd-grlen-mesi>